

Go utullotšwe polante ya go se ngwadišwe ya go tšweletša motsoko

Tshwane, 17 Setemere 2021 – Polante ya go se ngwadišwe ya go tšweletša ditšweletšwana tša motsoko wa *molasses* / *shisha* e utullotšwe ge go dirwa ditshpetšo tša go setšha le go tshwara ka Gauteng.

Tshpetšo ye ya go sepetšwa ka bohlale bja godimo e ile ya dirwa ke Ditirelo tša Motšhelo tša Afrika Borwa (SARS) ka sehlopha sa sona sa *National Rapid Response Team (NRRT)* le *Illicit Trade Unit*, ka thekgo ya Ditirelo tša Maphodisa tša Afrika Borwa le Kgoro ya Johannesburg Metropolitan

Polante ye e tswalanywa le khamphani e itšeng ya go ba le laesense ya go tšweletša disekelete ka leswaothekišo la ditšweletšwa tša motsoko tšeo di hweditšwego lefelong leo. Polante ya go tšweletša le metšhene ka moka le di *molasses* di ile tša tshwarwa bakeng sa dinyakišišo tša go tšwetšwapele go ya ka molao wa motšhelo le khasetomo.

Sehlophatšhomo ntši sa taolelo se ile sa dira diphuruphutšo tša go setšha le go tshwara mabenkeleng a mararo ka Fordsburg, go tsepeletšwe go thekišo ya ditšweletšwa tša go gononelwa tša motsoko tšeo di sego molaong. Sehlophatšhomo se hweditše dikhathuni tše 1337 tša molasses wo o se go molaong gammogo le disekelete tše di sego molaong tša boleng bja tekanyo ya R400 000.

Dithoto di ile tša golegwa gomme tša tlošwa go letetšwe tšweletšo ya ditokumente tša theko ya tlišogae / selegae, tiišetšo ya palo le dinyakišišo tša go tšwetšwapele ka ga ge eba metšhelo ya maleba e be e lefetšwe go SARS.

Ka nako ya tshpetšo, mong wa lebenkele go tšwa go mabenkele ao a laeditšwego o ile a leka go fa baofisiri ba SARS pipamolomo “go leka go timetša mohlala wa kgetsi” ka palo ya tekanyo ya R30 000. Molato wa bosenyi o ile wa bulwa le SAPS bakeng sa maitekelo a pipamolomo gomme motho yoo o ile a golegwa.

Diphuruphutšong tše dingwe, SARS NRRT e ile ya tlhahloba khontheina ya thoto ya 40ft go bobolokelo bjo bongwe bja go laesenswa ka City Deep. Thoto yeo e be e laodišitšwe bjale ka dikarata tša go raloka tšeo di tlišitšwego gae go tšwa China go ya ka Afrika Borwa ka tshpetšo ya boemakepe bja Durban go ya ka City Deep.

Diphuruphutšo tša tlhahlobo di utullotše morwalo wa khontheina ya go tlala ka diaparo tša go fapana tšeo di laodišitšwego ka boleng bja khasetomo bja R550 000.00 bjo bo laodišitšwego ka bofora bjale ka dikarata. Diaparo di ile tša golegwa ka tetelo ya magato a mangwe mola molato wa bosenyi o butšwe le SAPS bakeng sa semokolo le bomenetša

Khomišinare wa SARS Edward Kieswetter o rile setheo se ikemišeditše go thatafaletša le go lefiša ditefišo tša godimo go balefela motšhelo le bagwebi bao ba sa obamelego. O rile go se obamele go go bjalo, kgwebo ya dithoto tšeo di sego molaong le ditiragalo tša bosenyi di tlhlokofatša ekonomi gomme mafelelong di baka tlhokego ya mešomo, go hloka tekatekano le bodidi.

“Se sebohlokwa kudu ke gore ditiragalo tše tša bosenyi di fokotša ditseno tše SARS e di kolekago go kgontšha mmušo go tšweletša ditirelo tša motheo go bahloki le bao ba šaparegilego bjale ka metlaodutše ya batšofe, dikolo, dikliniki le lenaneo la kabelo ya kenti go lwantšhana le leuba la Covid-19.

“Ka moka re dula re le komana madula a bapile gape re tloga re sa kgotlelele motlhako wa kgwebo yeo e sa dumelelwago molaong ya ditšweletšwa dife goba dife ka lebaka la gore ke tagafara yeo re swanetšego go e dira go ya ka molao,” gwa realo Mrn. Kieswetter.

Go hwetša tshedimošo enngwe ikgokaganye le SarsMedia@sars.gov.za